



108年教育部

閩客語文學獎

►用本土語言尋找文學的能源



閩南語 ▶ 現代詩 ▶ 社會組

林秀蓉 女士

得獎作品 /

情歸大地——袂當拋荒的花芳



【得獎感言】

詩是種子，種在心土深處。

詩是信仰，成我寰宇世界的美麗踏蹄！

情歸大地，詩是心靈寄生的無界之疆！

輕拂1895塵土上陽光，可歌可泣的時空下，溪水流過，野火燒過。凝視春雷踏蹄的遠山新綠，省思這段無法被忽略的臺灣史實，不正是你我所須捍衛的經緯。

2015始涉足於繆斯之境，探索輾轉的星辰，盡攬無邊的風月。縱使蜂來蝶去，未之能及的蜜源，容我用字跡來釀。

實踐以母語詩寫，象徵心志與意念的花香或鳥跡。紮根土地，婉轉結合生命，讓錯失的手印在春日發芽。感恩自由如浪，短歌長吟，雪白的心田從此不再拋荒！



情歸大地——袂當拋荒的花芳

微微東風，月落無霜
焠後龍溪放送溫柔的露水
予白雲一山懸，一山低
有情的人總會來相揣

看顧每一隻蝶仔所留戀
干焦是玫瑰搖佇著伊的形影？
鏡頭的遠近是夢的寄托
毋願放，恁猶原忘情飛

疼痛1895彼時陣
三叉河邊迴過的青春血脈
覘雙峰山墘彎彎幹幹
油桐花恬恬佇樹極擔頭看天
我知影，含莓未雪彼幾蕊
遠遠予風無情刮過，去無相辭
細漢身軀猶原遐爾清芳

記持無張無持
親像生淡的苗栽落地生根
目睷擘金看，先烈一群閣一群
好田地不如好子弟
恁手股頭攏縛佇彼條勇敢的吳字旗
毋驚風雨，硬領合力抵抗野蠻的銃聲



108年教育部

閩客語文學獎

►用本土語言尋找文學的能源

作

品

集

行過百年歷史的出海口，拍開相望
一樣又閣一樣白雪雪的民主花
四界探山頭報知音
發穎的時肩胛頭會當相倚
春風做伙來街舞，咱放慢跔步
有夢上嬌的歌斟酌聽

向望的花，花開著時
一蕊一蕊相連紲
予愛的祝福淡開規山墘
命運雖然攏無啥仝款
幼沙粒仔嘛會變做真珠
閣較按怎嘛袂予人關佇窗仔內

聽講秀才人情紙半張
割開霧霧的兩岸
自由飛上天
走揣上光彼粒天星
看袂煞！青春千里雁行
少年哪會使無風騷

社會有人世間隨意
嘛有人恬靜無話
毋通閣憂愁流浪的雲
彼月揣無伊長長的身影
擔頭揣夢，是啥人喙笑目笑
這月露水迎透暝蟲聲，月娘跔懸
搪著幼秀的花芳靠岸做伴